

993.

1289. d. 6. Juni.

Clevastad.

GARL GUSTAFS SONS m. fl. förklaring att dess syster, Margareta ägde att till kloster och kyrkor gifva hvad och huru mycket henne behagade, och sjelf förvalta det öfriga i sin lifstid.

A. 3. y. 1. *).

Omnibus presens scriptum cernentibus, KAROLUS GÖSTAFSSON, BENEDICTUS PÆTERSSON et coniux eius JNGEBURGIS salutem in omnium saluatore. Quum ob labilem hominum memoriam viteque fragilis breuitatem que rationabiliter acta sunt frequenter in dubium reuocantur et raro proueniunt ad puram noticiam posterorum nisi scripto superstite succedentibus pateat quod aliter aboleret mors et obliuio frequenter eciam prauitas et inuidia peruersorum presentes scire volumus et posteros non latere nos sorori nostre Margarete coram domino Anundo episcopo strengenensi in cleuastadum et fratre gothorme feria secunda post dominicam trinitatis plenam potestatem contulisse de bonis suis mobilibus et immobilibus que et quanta claustris et ecclesiis voluerit et aliis quibuscunque voluerit et quod residuum fuerit ad dies suos habere libere et possidere in quocunque statu voluerit conuersari et postea ad heredos suos quos si deus constituerit redeat diuidendum. In cuius rei testimonium sigillum domini strengenensis memorati per nos petatum et concessum presentibus est appensum necnon et nostra sigilla eisdem duximus apponenda. Datum anno domini MCC LXXXIX loco et tempore superne memoratis.

994.

1289 d. 12 Juni.

Konung MAGNUS Is bref rörande Svante polks dotters ingående i Vreta kloster, samt gårdarne Ramnstad och Kidjavad.

A. 3. t. 1.

MAGNUS dei gracia Sweorum Gothorumque rex Omnibus presens scriptum cernentibus salutem in domino sempiternam Quoniam certitudo litteralis dubitationes ac scrupulosas hesitationes iurgiorumque materias solet amputare Idcirco ne iniuste contra personas vel communitatem collegii Wretensis in posterum procedatur per aliquos iniuste sencientes volumus omnibus innotescere per presentes quod cum domina .K. filia domini Suantpulk abbatissa Wretensis . . . Wæg filiam Magni et Ingigerdis de Kalfstadum ad

*) Uti en af Konung BIRGER bekräftad afskrift.

religionis habitum receperit consilio nostro dilectique fratris nostri domini .B. Episcopi Lyncopensis super hoc prius requisito nil contra leges terre factum fore culpabiliter uel uiciose sicut nobis retulerunt dominus .b. legifer Osgotorum & dominus Suantpulk quibus hujus negotii discussio commissa fuit specialiter si tantummodo contra parentum consilium et uoluntatem. quod etiam dominus byrgerus Kanonicus Lincopens. auunculus domine prefate testabatur addens quod ad claustrum nihil secum detulerit inter necessaria corporis indumenta similique modo pater eius M. negocium se habere fatebatur. quoniam recepit eam in sacristia ad gratiam plenariam & amicitiam presentibus venerabilibus dominis B. episcopo lyncopensi aliis tribus supra nominatis etiam aliis quam pluribus fide dignis. In cuius gratie ac amicitie receptionem in presencia omnium monialium Wretensium in salutem anime sue unum octonarium contulit in Ramnstadum commutatum de Kydiauadum. pro legacione speciali. tali condicione supposita quod si eo mortuo filia superuieret de predicto octonario curia deberet construi cum omni suppellectili & utensilibus necessario ad curiam requisitis. Si autem eam prius mori contigerit unus octonarius de bonis sibi collatis cederet monasterio predicto iure perpetuo possidendus. constet tamen omnibus parentes dicte domine quamdiu uixerint donum illud ad suos usus uelle cedere & filiam suam in quantum postea de hoc pro necessariis adiuuare. Ne autem ista que secundum leges facta sunt ausu temerario audeat quis infringere uel donum cum iniuriis usurpare, ne etiam super hoc sinistra possit haberi suspicio litteras presentes sigilli nostri munimine et dilecti fratris nostri domini .b. lyncopens. episcopi confirmamus. Datum Anno domini. M°.CC°.LXXX°.IX°. pridie Idus iunii, In die consecracionis abbatisse ac aliarum monialium plurimarum.

På frånsidan: De ramstadh & kidhiauath.

Bägge sigillen äro bortfallne.

995.

1289 d. 16 Juni.

Färingsö.

Biskop PETERS i Westerås Fullmakt för 2:ne caniker att hos Páfven utföra hans klagomål rörande olägenheterna af Lunds Árke-Biskopars Primat öfver Sverige.

A. 2. (K. y. 2. 78.)

Sanctissimo Patri ac Domino, Sacrosancte Romane ac vniuersalis ecclesie summo Pontifici, Petrus dei gracia episcopus arosiensis totumque Capitulum eiusdem loci oscula beatorum. Noscat Vestra Sanctitas reuerenda quod nos facimus constituimus et ordinamus nostros et ecclesie nostre procuratores actores syndicos et nuncios speciales prouidos et discretos